

سنه لکی در سعادت ایچون مجیده
بکرمی غروش حسابیه التمش
غروشدر

طشره ایچون پوسته اجرئی اوله رق
اون بش غروش ضم اولنور

نسخه سی ۴۰ پاره در

قانون جدید

آبونه اولق ایستینلر دائره عدلیه ده
اداره مخصوصه سنه مراجعت
ایتمیدر

اعلاناک بهرندن بر مجیده اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توضیحات

کربلا سنجانی بدایت محکمه سی جزا دائره سی
ریاستی بصره ولایتی مرکز بدایت محکمه سی مدعی
عمومی معاون سابق عباده افندی به

کربلا سنجانی بدایت محکمه سی مدعی عمومی
معاونلکی سلیمانیه سنجانی بدایت محکمه سی مدعی
عمومی معاون عباده شوکت افندی به تفویض بیورلمش
ومومی الیه مانک علی الاصول امر تحلیفلرینک اجرایی
محللرینه تبلیغ و انبا قلمشدر.

ارغنی معدنی سنجانی بدایت محکمه سی جزا
دائره سی رئیس قضیلتو رشدی افندی به از میریایه
مجردی توجیه بیورلمشدر

تبلیغات

اتمکچی قوجو نام کسنه نک متوی اوسته بدوس
ذمتنده با اعلام محکوم به الاجنی اولان مبالغ معلو -
مه نک تأمین استیفاسی ضمتنده قرتال قضاسی بدایت
محکمه سی اجرا دائره سنجیه موقع مزایده به قونیلوب
دولای اوبه قریه لی حسنی اغایه احاله قطعیه سی اجرا
قلنان پندک قریه سنده کائن بر باب خانه سندنک نصف
حصه سی با سندن خاقانی علکسی عهده سنده اولدینی
حاله قریه مختار لغنده بولنوب مزایده معامله سندنک
جریانسه وقوف طبعیسی اولان مرقومک احاله
قطعیه نک وقوعندن اول علی الاصول دائره اجراییه
مراجعت ایتماش اولدینی سر رشته سیله اقامه دعوی
حق محفوظ قالمق اوزره مذکور خانه نک تمامی ایچون
منفوض نامنه تصرفی ناطق سندن رسمی اعطاسی
محکمه مذکوره ریاستندن بیان و اشعار اولنمش
و اولوجهل ایفای معامله ده تردد حاصل اولمش
اولدیفندن بحثله استفسار معامله ده دائره دفتر خاقانی
نظارت جلیله سندن وارد اولان تذکره اوزرینه
انجمن عدلیه دن اعطا قلنان مذکوره ده : مذکور

طرفینی اضرار قصدیه دوام و اصرار دیمک اولمسیله
معقول و شایان قبول کوریه مامش و معاملات اجراییه نک
هنوز تکمل ایتمدیکی جهته اصولاً تصحیحی قابل
بولنمش اولدیفندن شو یولده ریاست مذکوره به
تبلیغات ایفاسی و بیان حالی متضمن نظارت مشارالیه ده
تذکره جوابیه تسطیری افاده اولنمش و عدلیه نظارت
جلیله سندن دخی اولوجهل ایجابی اجرا قلمشدر.

رسم تمغا قانون جدیدینک اوتوزنجی ماده سی
موجبیه تنظیم قلمه حق استدعایمه لره الصاق
ایدیلان بوللرک محضیسی طرفندن هم امضا و یا مهر
همده تاریخ ایله و یا خود شرکتلر و باقه و تجارتخانه لرده
مستعمل تاریخلی امضا تمغاسیله ابطالی لازم کلدیکی حالده
دوائر رسمیه به ویرلمکده اولان استدعایمه لرده کی
بوللرک بالکیز آلت طرفنه مهرلرک غایت جزئی
تماس ایتمدیلمک صورتیه تاریخ وضع اولنمقسزین
ابطال ایدلمکده اولدینی کوریلوب بوایه حکم قانونه
مغایر بولنمسیله بعدما ویریه جک استدعایمه لره ملصق
بوللرک تعریفات قانونیه دائره سندن ابطاله اعتنا
ایدلمسی لازم کله جکی و عکسی حالده بوی عر فحاللرک
قبول ایدلیه جکی اعلان اولنور.

محاکمات و مقدمات

در سعادت جنابت محکمه سنده :

غلطه ده خراجچی زقاغنده واقع مغازه ده
چوخه تجارتیه اشتغال ایتمکده لر ایکن افلاس
ایله مصره فرار ایدرک ارباب فساد ایله اختلاط
ایتمدکلری و نشان اغایه تهدید آمیز مکتوب
کوندردکلری ادعاسیله مظنون اولان
وجنایتله اتهام ایدیلان و هرام ایله زاره در دست
اولنه مامش اولدق لرندن تاریخندن اعتباراً جانب

خانه نک ویرکو اداره سنجیه کاملاً متوفای مرقوم
بدوس عهده سنده مقید اولمسنندن ناشی تمامی موقع
مزایده به قونیله رق طالبی عهده سنده احاله قطعیه سی
اجرا قلندینی منفهم اولوب حالبوکه دوائر اجراییه ده
بویکی اموال غیر منقوله نک حجز و فروختی معامله سنده
اساس اولق و کیفیت تصرفیه حدود و مقدار ذراعی
حقنده معلومات صحیحیه استحصال ایدلمک اوزره
اول امرده سند رسمینک و یا خود طابو اداره لرندن
اخراج ایتدیریه جک در عهده قیدینک تدقیق اصولاً
و مصلحه مقتضی ایکن ذکر اولسان قرتال اجرا
دائره سنجیه شواصوله توفیقاً تدقیقات ابتداییه ایفا
اولنمقسزین حق تصرف و تملکی اثبات امرنده قانوناً
مدار احتیاج اولیان ویرکو قیدینه مراجعتله اکتفا
قلمش و بوقیدک طابو اداره سندن ویریلان سند
رسمیه به مخالفتی مزبور علکسینک عهده سنده بولنان
وهیچ بر طرفندن تصرف ادعاسی در میان اولنمیان
نصف خانه نک دخی داخل مزایده ایدلمسی کبی بر
بولسزلنی انتاج ایتمشدر. اگرچه محکمه محلیه رئیس
جانبندن مرقومک قرارداد تاریخندن مقدم دعوی
استحقاقده بولندینی سرد و ایراد و بوبایده اموال
غیر منقوله نک فروختی حقنده کی نظامنامه نک اون
اوجنجی ماده سنده استناد ایدلمکده بولنمش ایسه ده
قرارداده تاریخندن اول وقوعبولان استحقاق
ادعاسنک سند رسمی به مستند اولمسیله ماده مزبوره
جمله مندرجاتندن اولدینی اوزره مزایده معامله سنی
تأخیر ایده جکی مثللو سالف الذکر خانه نک نصفه
مزبور علکسینک تصرفی ناطق اولان سند خاقانینک
دخی دائره اجراییه نقصان تدقیقاته ابتداء مذکور
خانه نک تمامی حقنده وقوعبولان حالیه فیسخ
و ابطال ایدر حکم وقوتی حائز اولمقدن ناشی بوبایده
مذکور اون اوجنجی ماده نظامیه نک موضوع بحث
اوله میه جفندن قطع نظر رئیس مومی الیهک ذهابی
وجهله متصرف مرقومک بعده ذی الیددن دعوی
ایتمک اوزره اشبو نصف حصه نکده متفوضی نامنه
سندینک اعطاسی بولسزلنی نمایان اولان بر معامله ده

ریاستدن مرقومانه مجدداً اون کون مهل اعطا
قلمشدر مهل معین ظرفده کلدکری حالده
قانونه اطاعت ایتماش نظریله باقیله رق حقوق
مدنیهدن اسقاط قلنه جقلری وعلیهلرنده دعوایه
قیام اولنه جنی وبوصرده برکونه ادعایه جقلری
اولهمیه جنی واموالنک حجز آلتنه آلتنه جنی
وبالجمله ضابطه عدلیه مأمورلرینک کندولرینی
طونمغه مجبور بولندقلری کی معاملات حجزیه
حقنده دخی مدعی عمومیلکه تبلیغات مقتضیه
اجرا ایدلدیکی جهته اصول محاکمات جزائییه
قانوننک اوچسوز یتیش برنجی و اوچسوز یتیش
ایکینچی ماده لرندن استنباط اولنان احکامه
توفیقاً اشبو قرارنامه بالتعمیم اعلان اولنور.

۲۸۸ نومرو ولی نسخه ده مندرج درسمعات

جنایت محکمه سی اعلامنک مابعدی :

محمدک معاینه راپورنده : صاغ ایغی بیلک مفصلی
اوزرنده شیش ایله صول آباغی عقی اوزرنده بره
کودلرکی و یچی حقنده کی راپورده دخی مرقومک
کسیچی بر جسمله صول آباغی جهت اسفل اوزرنده
مستعرض و اوچ سائیمترو طولنده بر عدد جرحه
مشاهده اولدینی کوستلشدر .

قرائت اولنان اشبواقرار مندرجانه نهدیه جکلری
مهمان مرقوماندن صورلدقده محمد کندوسی طامدن
آتلامیوب ایغنک زده لئسی و یاره لئسی اهلانک
اوزرنیه هجوم و ضرب ایتمارله حاصل اولدینی
و زرنده میمونجی ظهور ایتدیکنی و قهوه خانه ده
سولشدکری یحیایک متهم یحیادن بشقه بر شخص
ایدوکنی و هیچ حبسه کیرمدیکنی و متهم یچی دخی
کندوسنک بویه بر قمله اجتسار ایتدیکنی و آباغی جام
کسدیکنی علی وجه التکرار سوبلدیلر .

مدعی عمومیلک جانبندن ویریلان و معامله
تبلیغیه سی اجرا قلنمش اولان شهود بوصله سنده
اسامیه سی محرر کساندن اولوب دعوت واقعه یه
اتباعاً ورود ایتدیکنی خبر ویریلان عرب جامع شریفی
قره غولخانه سنده مستخدم ژاندارمه ایکینچی طاہورنک
برنجی بلوکنده اونباشی اولدینی سولیایان اتوز
ایکی یاشنده اضررملی یوسف بن عثمان حضور
محکمه یه چقاریلررق عند السؤل طرفیه برکونه
قرابت و مناسبت و خصوصتی اولدینی اکلانشملغه

اصولاً تخلفی بعد الاجرا مواجهه استماع
اولدیننده میرآلی احمد بکک نهی بولنان خانه سنه
سارق کیردیکنی قومیسر عمر افندی طرفندن خبر
آلتهرق کندوسیه سائر مأمورین ضابطه برلکده
مذکور خانه نک قبوسی اوکنه کیدوب و مومی ایله
عمر افندی حلوایار کتخداسی علی افندنک
مخدومی محمد افندنک زرنده بولنان مذکور قو
ااختارینی کتورددرک قبوسنی کشاد ایدوب معتبله
یوقاری قانه چیقمقد و کندوسی دخی بکچی صفیله
خانه نک زقاق قبوسنده بکلکده ایکن اوچنجی قاده
برجام قیرلسنی متعاقب خانه نک اتصالده کی کراسته چی
دکانی سقفته بر شخصک آتلا دینغی حس ایتمارله
اهالینک او طرفه قوشوملرندن ناشی کندوسیده
او طرفه کیتدیکنده کراسته چی دکانک یاننده چیقماز
زقاق کی برآده لقمده آتلا یان شخصک بر بکمش
اولان خلق طرفندن طویلوب کندوسنه تسلیم
اولدینی وزعفرانیولی محمد تسمیه اولان شخص
مرقومک قره غولخانه یه کتوریلوب قومیسر طرفندن
استجوابسنده رفیق یچی ایله برلکده غلطه ده
میخانه لک برنده عشرت ایدرک قهوه خانه یه کیروب
برآز اوتوردقلرنده مرقوم یحیایک : « قالد سنکله
زانباره لک کیده لم دیو واقع اولان اصراری اوزرنیه
برلکده کیدوب قبوسی آچق بولنان برخانه یه کیردکری
وخانه مذکورده کیسه نک اقامت ایتدیکنی کورمسیله
ایکیسی برابر یوقاری چیققدقلرندن برآز صکره
اشاغیده برکورتی ایشتدکری و مرقوم یحیایک
[یاصلدق قاچم] دیمسی اوزرنیه نجره دن آتلا یوب
کندوسی چیقماز زقاق طرفه و یچی دخی سیتجیلر
جهتنه قاچمش ایسه لرده کندوسی دردت اولوب
یحیایک قاچدینغی طایعا اقرار و اعتراف ایدلدیکنی
و زرنده بر پرکار برده مقراص و میمونجی چیقدینغی
افاده مضبوطه سی وجهله اخبار و دیدیکنی محمدک
حاضر بولنان متهم محمد بکره دیکنی و یحیایک فرارندن
طولای اوانشاده کورمدیکنی علاوه تذکار ایلدی .
شاهد یوسف اونباشینک اشبو افاده سنه نه
دیه جکلری متهملردن صورلدقده برشیدن خبرلری
اولدینی جوانی آلدی .

دائرة امانتندن کتوردلش اولان میمونجی ایله قیریق
مقراص اولا متهملره و بعده شاهد مرقومه ارانه
وسؤل ایدلدکده متهملردن محمد مذکور آتلا لک
کندیسنده ظهور ایتدیکنی و یحیایک طایم دینغی و شاهد
یوسف اونباشی دخی متهم محمدک زرنده ظهور ایدن
میمونجی و مقراصک اشبو ارانه قلنان آتلا اولدینغی
سوبلدیلر .

شاهدلردن پولیس محمد نوری افندنک مقری

کونینده بولندینی ملقوف جلبنامه سنک تبلیغه دائر
اولان مذکوره جواباً بک اوغلی متصرفلقدن
بیلدیرلش و دیگر شاهد بکچی عزت ایله قهوه چی
حسنه دخی تبلیغات اجرا ایدلدیکی اکلانشیه مامش
اولدینندن معاون مومی الیهک مطالعه سی وجهله
مرقومانه بکیدن جلبنامه اسطاری ضمننده ایشک
یوم آخره براغلمسنه قرار ویرلدیکی و قومیسر عمر
افندنک دخی اظهار حقده مدار اولوق اوزره جلی
تسبیب قلندینی جانب ریاستدن بیلدیرلش اولغله
ماه من بورک یکریمی التجی کونی متهملر علی اصول
توقیفخانه دن کتوریلرک و کللری سینی بک ایله
یوسف جال افندی و مامون مومی ایله حاضر اولدقلری
حالده محاکمه علیه یه دوام ایله هیئتجه قیماً تبدل
وقوعه منی ضبط سابق بعدالقرائه مندرجانی طرفندن
تصدیق قلندی .

کلش اولان شاهدلردن اولوب طرفیه قرابت
و مناسبت و خصوصتی اولیان غلطه ده عرب جامع
شریفنده یتیمجیلر جاده سننده بورجکی صالح افانک
خانه سنده مقیم یکریمی ایکی یاشنده قهوه چی حسن بن
محمد اصولی وجهله مع القسم استماع اولندقده عرب
جامع شریفی موقی قارشوسننده بولنان قهوه خانه ده
اوتورکن ساعت اوچ یچی راده لرنده مامورین
ضابطه نک متهم محمدی قره غولخانه یه کتوردکری
کورمسیله مراق ایدوب مذکور قره غولخانه یه
کیتدیکنده متهم مرقومک قومیسر عمر افندی طرفندن
استجوابسنده حاضر بولندینی و اوصورده متهم محمد
کندوسی رفیق یچی خوارده لوق ایده جکر دیو احمد
بکک خانه سنه کیرمک اوزره قاندردینی و خانه
مذکورک قبوسی مرقوم یچی طرفندن میمونجیله
آچیلوب درون خانه یه کیردکری و فقط مامورنک
ورودی اوزرنیه مرقوم یحیایک فرار ایدلدیکی کیفیاتی
بالطوع والرضا اقرار و اعتراف ایتدیکنی و اوانشاده
متهم مرقومک اوزری عندالتحری ظهور ایدن پرکار
و برقریق دیکیش مقراصی ایله برده میمونجی مرقوم
یچی طرفندن جیینه قولش اوله جغنی سوبلدیکنی
افاده مضبوطه سی وجهله حکایه و عندالسؤل متهملر
نجره دن آتلا و فرار ایدرکن کورمدیکنی و دیدیکنی
محمدک حاضر بولندینغی و ارانه قلنان مقراص و میمونجی
متهم محمدک اوزرنده ظهور ایدن آتلا اولدینغی دخی
افاده سنه علاوه ایلدی .

عندالسؤل متهم محمد برکونه سبب درمیان ایتیدرک
بوشاهدک شهادتی قبول ایتدیکنی و بویه اقرارده
بولندینغی سوبلدی .

(مابعدی کله جک نسخه یه)

زینب خانمک حوا خانمی ضرب ایدلدیکی ثابت
اوله مدینندن برائته
علینک الیاسه اطاله لسان ایدلدیکی ثابت
اوله مدینندن برائته

اوستریا دولتی تبعه سنندن آلبر ایله زوجیه سی
ائنه نک کریا کیچینی ضرب ایدلدکری ثابت اوله مدینندن
برائتارینه

طاہورله لی ترزی دیمتریک اطنانک زوجیه سیله
قرینه اطاله لسان ایدلدیکی ثابت اولدینندن بر هفته
حبسنه

حافظ مصطفی افندی بی ضرب و جرح ایدن
شرنجی شمس الدیندن ایکی لیرا آلتهرق مضروبوه
اعطاسنه

داودک البسه سی سرقت ایدن قاسم پاشاده ساکن
علی عثمانک اوچ آی حبسنه و ختام مدتنده ضابطه جه
کفالتیه ربطه

حسن اوغلی محمدی ضرب ایدن غلطلی احمددن
برلیرا آلتهرق محمد ویرلمسنه

خایمی ضرب ایدن دوشد و قیزی صاره و بولیسندن
بر لیرا آلتهرق مضروبوه ویرلمسنه

قومیسر یئنجی مرجانی ضرب ایدن سرکه جیده
مقیم اونیکندن ایکی لیرا آلتهرق مضروبوه ویرلمسنه

اسکدارده یکی چشمه ده مقیم عاکف افندنک
اسماعیل افندی به اطاله لسان ایدلدیکی ثابت اولدینندن
بر هفته حبسنه

میخاله تشپیر سلاح ایدلدیکی ثابت اولان عاشرک
بر هفته حبسنه

اسماعیل افندنک آراهی علی به حقارت ایدلدیکی
ثابت اولدینندن بر هفته حبسنه

طودورینک غازیونجی مهرانک اموال منقوله سنه
ایراث خسار ایدلدیکی ثابت اولدینندن بدل خسار اولان
یکرمی غروشک تحصیلله برابر اونیشک جزای نقدی
آلتسنه

حصیرچی باشی زاده غالب بکک ساخته اوله رق صفت
وسمیه ده بولندینی ثابت اولدینندن اوچ آی حبسنه
قاپرلک اشپاسنی سرقت ایدلدیکی ثابت اولان
محمدک درت آی حبسنه

نیقولی ضرب ایدلدیکی ثابت اولان کرکور
افندنک بر هفته حبسنه

دلبرخانمک طاش آتمق صورتیه خانه سی چاملرینی
قیردینغی ثابت اولان قاسم پاشالی صافیه خانمک یکرمی
درت ساعت حبسیله الی بشک جزای نقدی آلتسنه
عنایت خانم اطاله لسان ایدن قرغانچی عمر
افندنک الی کون حبسنه

قاسم پاشالی تاتار علی ایله حسنک بکدیکری

ضرب ایدلدکری ثابت اولدینندن اون بشر کون
حبسلرینه

حسن افندنک خانه سنه طاش آندینی ثابت اولان
امینه خانمک یکرمی درت ساعت حبسیله الی بشک
جزای نقدی آلتسنه

الما طاغانده ساکنه فرنک مارینک پولیس چاوشی
علی رضا افندی به اجرای وظیفه حالنده حقارت
ایدلدیکی ثابت اولدینندن اون بش کون حبسنه

مادام امیلک مادام فیلیوه روولور انداخت ایدلدیکی
ثابت اولدینندن یکرمی کون حبسنه

یماندو نام قادینک یماندینی جرح ایدلدیکی ثابت
اولدینندن ایکی لیرا آلتهرق مضروبوه اعطاسنه

چاچونک یاسینی ضرب ایدلدیکی ثابت اولدینندن
ایکی لیرا آلتهرق مضروبوه ویرلمسنه

آسانی جرح ایدن الیدین برلیرا آلتهرق مجروحیه
اعطاسنه

جلال الدینی ضرب ایدلدیکی ثابت اولان ثروت
افندنک بر آی حبسنه

حسنک آکسنه فونی ضرب ایدلدیکی ثابت اولدینندن
بر هفته حبسنه

عثمانک ابراهیم افندنک دکانشدن یعنی سرقت
ایدلدیکی ثابت اولدینندن اوچ آی حبسنه و ختام مدت
جزائییه سننده ضابطه جه کفالتیه ربطه

پولیس قومیسری بهادالدین افندنک محمد امین
افندی بی ضرب ایدلدیکی اصولاً ثابت اولدینندن
یکرمی کون حبسنه

ترزی استفانی ضرب و جرح ایدن فری کوئی
قهوه چی قره بتدن ایکی لیرا آلتهرق مضروبوه اعطاسنه
درسمعات ، بک اوغلی واسکدار بدایت محکملری
جزا دائره لرجه قرار ویرلشدر .

اعلانات

نجات بحره حکم سننده :

تجارت بحره محکمه سنجه افلاسنه قرار ویرلش
اولان لوقطه چی اوننیک بابازیانک چاققجیلر بقوشنده
شریف پاشا و قاطرجی اوغلی خانی اتصالده کوچک
عاشر افندی خانی دروننده موجود اولوب لوقطه
جیلغه متعلق اشپانک مامورین افلاسیه معرفتیه ماه
حاکم یکرمی برنجی چهارشنبه کونی ساعت اوچده
اصولاً بلمزایده فروخی قرارکیر اولدینی معلوم
اولوق اوزره اعلان اولنور.

قاطرجی اوغلی خانی اتصالنده کوچک عاشر
افندی خانی آلتنده ساکن ایکن تجارت بحره محکمه
سندن افلاسنه حکم اولنمش اولان اوننیک بابازیان
ذمتنده آله جغنی اثبات وبا موقتاً قبول و قیدایتدیرمش
اولان آله جقلورلرک قانوننامه تجارتک ۲۱۱نجی وانی ولی
ایدن ماده سی موجبجه مفلس طرفندن تکلیف
اوله جق قوتقورداتونک مذاکره سی ایچون ماه حالک
یکرمی دردننجی جمعه ایرتسی کونی محکمه مذکورده نک
مصالح افلاسیه رؤیتیه مخصوص اوطه سنه کلری
اعلان اولنور .

لیون اسکله سننده مغازه فوقیده کی اوطه لرده
ساکن ایکن تجارت بحره محکمه سندن افلاسنه حکم
اولنمش اولان لیون و پورتقال تاجری یانی ماطیودینک
خصوصات افلاسیه سنک رؤیت و تسویه سی ضمننده
دعوی وکیللرندن پانده لاک قوزمیدی افندی اصالة
سندیک تعیین قلنمش اولدقلرندن مفلس مرقوم
ذمتنده آله جینی اولنلارک قانوننامه تجارتک ۱۸۹
و ۲۰۰نجی ماده لری موجبجه تحقیق دیون ایچون
تاریخ اعلاندن اعتباراً یکرمی بر کون ظرفنده سندات
محکمه کاتبیه تسلیم الیلری ومدت مذکورده ختامندن
صکره اوچ کونده یعنی ۹ و ۱۰ و ۱۱ اغستوس
سنه ۳۳۰ [تاریخلرینه مصادف بازار ایرتسی، صالی
و چهارشنبه کونلری تجارت بحره محکمه سنک افلاس
اوطه سنه کلرک سندیک افندیلر مواجهه سنده آله
جقلرینی اثبات وقیده و تصدیق ایتدیرملری ومدت
مذکورده اثبات وجود ایده میان آله جقلورلر حقنده
قانون مذکورک ۲۱۰نجی ماده سنه توفیقاً بقای معامله
اوله جغنی اعلان اولنور.

فنجانجیلر یوقوشی حوادنده یوسفیان خانی
قارشوسنده درت نومرولو مغازه ایله ماروچجیلرده
بارناطان خاننده یدی نومرولو اوطه ده مقیم رفائل بها
ایزاقک ۱۷ تموز سنه ۳۳۰ تاریخندن اعتباراً اعلان
افلاسنه و مصالح افلاسیه نک رؤیت و تسویه سی ضمننده
اعضای محکمه دن سعادتلو ابراهیم بکک زور قومیسر
وداود درموسسیان افندنک موقت سندیک تمینلرینه
و مغازه سیله اشپای زانده یتیمه سنک تمهیرینه و اوراق
ودفاترینک جلبنه و کفالت ارانه ایده من ایسه حبس
و توقیفه و بوبایدکی قرادارک موقتاً اجراسنه تجارت بحره
محکمه سندن قرار ویرلش اولدینندن قانوننامه تجارتک
۱۷۰نجی ماده سی موجبجه دائمی سندیکلر انتخاب
اولنغی اوزره [۲ اغستوس ۳۳۰ بازار ایرتسی کونی
ساعت آتی یچی راده لرنده اصحاب مطلوبک محکمه
مذکورده نک مصالح افلاسیه رؤیتیه مخصوص اوطه سنه
کلری اعلان اولنور.

ایکنجی تجارت محکمه سنده :

استانبولده مارپوچجیلرده کذابچی اوغلی خانی دروننده مغازه سنده مقیم ایکن ایکنجی محکمه تجارتدن افلاسنه حکم اولمش اولان داوید بهار ایسک خصوصات افلاسیه سنده رؤیت وتسویه سی ضمانده دعوی وکیللرندن محمد بهرام وحافظ اسماعیل افندیلر اصالة سندیک تعیین قلمش اولدقلرندن مفلس مرقوم ذمتده الهجنی اولانلرک قانونامه تجارتک تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی اشوب بیک اوچوز یکریمی سنه سی اغستوسنک دروننجی چهارشنبه و بشنجی پنجشنبه ویدنچی جمعه ایرتسی کونلری ایکنجی محکمه تجارتک افلاس اوطنه سنده کله رک سندیک افندیلر مواجهه سنده الهجقلری اثبات وقید وتصدیق ایتدیرملری ومدت مذکوره ده اثبات وجود ایده میان الهجقلور حقنده قانون مذکورک ۲۱۰ نجی ماده سنده توفیقاً ایضای معامله اولنه جنی اعلان اولنور .

اعلامات شرعیه احرار دأره سنده :

متوفی زین العابدین افندی تقود موقوفه سنک متولسی محمد عماد الدین افندینک بربر اصنافندن متوفی احمد اغا ذمتده قسمت عسکریه محکمه سندن ویریلان مقتضا اعلامی موجبجه الاجنی اولان مبالغ معلومه . نک تأمین استیفاسی ضمانده مدیون متوفانک دینی مقابلنده مرهون وفروختی محکوم بولنان استانبولده مرجان اغا محله سنده واقع بر باب وقف بربر دکانی دروننده موجود بین الاصناف کدک تعیر اولنور وقف آلات لازمه معلومه نک درت سهم اعتباریه اوچ سهم حصه شابعه سی بوندن اول لدی المزايدة لیرا یوز غروشدن یدی بیک اوچوز غروش بدل ایلله طالبی عهده سنده تقرر ایش اولدیغندن یوزده بش ضمیمه بوندن زیاده یه طالب اولانلرک اشبو تاریخ اعلاندن اعتباراً او توز برکون ظرفنده در سعادت اعلامات شرعیه اجرا دائره سنده مراجعت ایللری ومدت مذکوره ختامندن صکره معامله نظامیه سنک اجرا قلنه جنی اعلان اولنور .

اعلامات نظامیه احرار دأره سنده :

مهرانک کوملکچی کیفورق ولد خجاطور ذمتده الاجنی اولان مبالغک تأمین استیفاسیچون مرهون وفروختی محکوم بولنان یکی قبوده کاتب قاسم محله سنده

اورته زقافده او توز التی نومرولو وتخمیناً سکسان درت آرشون عرصه اوزرینه مبنی درت قاندن عبارت درت اوطنه و اوزرنده تراجه و آلتنده بر مطبخ ومذکور خانه نک آرقه جهتده تخمیناً التی آرشون آراق اولوب دروننده طلومبه لی قیوی حای بر باب کارگیر خانه نک التمش برکون اجرا قلنان مزایده علته نتیجه سنده عثمانلی لیراسی یوز غروش حسابیه اون درتیک غروشدن طالبی عهده سنده تقرر ایدرک موقتاً قرار داده سی کشیده قلمش ایسه ده اسباب قانونیه یه مبنی تأخیر ایدلش ایدی . بوکره مزایده نک دوامی مقتضی کورلمش اولمسنه بناء تاریخ اعلاندن اعتباراً او توز بر کونه قدر یوزده بش ضمیمه طالب اولانلرک پی ایچهلری مستصحباً در سعادت اعلامات نظامیه اجرا دائره سنده مراجعت ایللری ومدت مذکوره انقضاسندن صکره ضم قبول اولنیه جنی اعلان اولنور .

تجارت و نافع نظارت جلیله سی زراعت باقه سنک سعادتو سالم بک افندی ذمتده محکوم به الاجنی اولان مبالغک تأمین استیفاسیچون محجوز وفروختی محکوم بولنان اوزون چارشو قربنده یواشجه شاهین وخواجه حمزه محله سنده شکرچی زقافنده قطر خانی نام دیگر طنبورچی خانی دیمکله معروف شهر ی ایکویوز التمش بش ایچه اجاره مؤجله لو خان مذکورک آلت قاتنده یدی وسکز و طقوز و اون واونبر واون ایکی واون اوچ واون درت واون بش واون التی واون یدی نومرولی واورته قانده بر ومکررر وایکیدن وونه ووست قانده کذابردن اون نومرویه قدر ووخان مذکورک خارجنده و آلتنده شکرچی زقافنده طقوز ومقلوب اونبر واون اوچ نومرولو دکا کین ملکرنده انتقالاً متصرف اولدینی طقسان ایچه بر بچی پولک تاریخ اعلاندن اعتباراً اون بش کون صکره بالمزایده فروخته تشبث اولنه جنی در سعادت اعلامات نظامیه اجرا دائره سندن اعلان اولنور .

متوفی زانپا اوغلی یورکی افندی ورته سندن مخدوملری یواناکی اوغلی بدوساکی افندیلرک اطنه رسم کرکی بدلندن متوفی قره یوان اوغلی یورکی ذمتده الاجقلری اولان مبالغدن دولای مرقوم یورکینک ورته سندن یوان والنسی واریستوبلویه انتقالی لازم کلان استانبولده بالق بازارنده شیخ محمد کیلانی محله سنده لونجه زقافنده واقع دروننده توتونچی کدکی مستقر بوجه ملکیت تصرف اولنور اون اوچ نومرولو مسکرات مغازه سنک تمامی اقدجه بالمزایده لیرای عثمانی یوز غروش حسابیه یوز اون یدی بیک واتصالنده واقع اون التی نومرولی و فابریقه لی

میخانه نک دخی یوز یکریمی سهم اعتباریه یکریمی درت سهم حصه سی قرق بش بیک غروشدن طالبی عهده سنده تقرر ایدرک قرار داده سی کشیده قلمش ایسه ده اسباب قانونیه یه بناء تأخیر مزایده ایدلش ایدی . بالاخره املاک مذکور نک دوام مزایده سی تقرر ایش اولدیغندن یوزده بش ضمیمه بوندن زیاده یه طالب اولانلرک ودها زیاده معلومات آلق استیانلرک تاریخ اعلاندن اعتباراً او توز برکون ظرفنده پی ایچه سیله برابر مراجعت ایللری ومدت مذکوره انقضاسنی متعاقب ضم قبول اولنوب قرار قطعی سی کشیده قلنه جنی اعلامات نظامیه اجرا دائره سندن اعلان اولنور .

در سعادت تجارت محکمه سی احرار دأره سنده :

صولو خانیان آرشاق افندینک کرقور لوساراریان افندی ذمتده ایکنجی محکمه تجارت اعلامیه محکوم به اولان آلاجنکک تسویه سیچون مدیون مومی الیهک عهده تصرفنده اولوب قسماً بانکر خاجیان انطوان افندی نامنه وفاء مفروغ ومرهون بولنان بیوک دره قریه وجاده سنده ۱۸۷ و ۱۸۹ و ۱۹۱ و ۱۹۳ نو مرورایله مرقم یکدیگرینه مقلوب وساحل جهتده منتظم ریختی مشتمل علی التخمین بیک او توز بر ذراع عتیق مقداری عرصه مرتهن مومی الیهک حقوقی محفوظ قالمق شرطیه تاریخ اعلاندن اعتباراً اون بش کون صکره موقع مزایده یه قونیه جفندن اشتراسنه طالب اولانلرک ودها زیاده معلومات آلق استیانلرک در سعادت تجارت محکمه سی اجرا دائره سنده مراجعت ایللری اعلان اولنور .

اذمید سنجانی بدایت محکمه سی احرار دأره سنده :

اذمیدک بغدادی میداننده مقیم تجاردن ایا مونده ایلیادینک اذمید بدایت محکمه سندن ویریلان بر قطعه اعلام موجبجه آله جنی اولان مبالغ معلومه نک تأمین استیفاسی ضمانده حجز آلتیه آلدیردینی اذمیده خاتلر باشنده واقع معلوم الحدود بر باب مغازه نک نصف حصه سی وکذا معلوم الحدود بر قطعه باغ وبر قطعه دوت باغچه سی تاریخ اعلاندن اعتباراً اون بش کون صکره موقع مزایده یه قونیه جنی جهته طالب اولانلرک دیوزیتو ایچهلری ویا معتبر کفیللریه مراجعت ایللری اذمید سنجانی بدایت محکمه اجرا مأموریتندن اعلان اولنور .